

جريدة حكاية

جمعه ايرتسى

نومرو	صفر	سنه	تموز	سنه	صفحه
۹۳۵	۱۶	۱۳۱۵	۵	۱۳۱۳	۱۳۲۷۷

(اشبو فزته بهر هفته جمعه ايرتسى كونلرى چيقار . سنه لى درسعات ايچون مجديه يكرمى فروش)
(حسابيله التمش فروشدر . طشره لر ايچون اون بش فروش پوسته اجرتى ضم اولنور . بهر)
(نسخسى ينه مجديه يكرمى فروش اولمق اوزره يوزپاره يه هر يرده ساتيلور . درج اولنه جق)
(اعلانك هر برندن بر مجديه اخذ اولنور . سنه لکنه مشترى اولمق استيانلر عدليه نظارتى)
(دائره سنده كاشن جريده محاكم اداره سنه مراجعت ايتليلدر)

قسمت سهى

(۸ تموز سنه ۳۱۳ تاريخنده درسعات و ولايات)
(محاكم استينافيه سى مدعى عمومى لكرينه يازيلان)
(تحريرات عموميه صورتيدر)

ماللرينك مزايده يه قونلديغنى كورمدكجه تاديه
دين ايتمامكده بولندقلرى جهتمله وعده سنده
دينلرينى تسويه ايتاملرندن ناشى بانقه يه مرهون
اولان ماللرينك بر موجب نظام دائره اجرا
معرفتيه موقع مزايده يه وضعى حالنده هر قطعه سى
ايچون آيرو آيرو مزاد قائمه سى تنظيمى مستقر ضلر
ايه مرهوناتنك كثرته بنساء بانقه ايچون بك
زياده مشكلاتى موجب اوله جفتدن وسكز پارچه
مالك آيرو آيرو اجراى مزايده سنه كافي اولمق
اوزره بيويكجه بر طبق كاغده موقع مزايده يه

زراعت بانقه سندن اچمه استقراض ايدن
زراعتك قسم اعظمى سكز اون و بعضاً اون بش
قطعه ترالرينى بانقه يه و فاء فراغ ايدوب اويولده
باره استقراض ايتمكده اولدقلرى واكثر مستقرض

MILLI KÜTÜPHANE
ANKARA

وضع اولئان اموال غیر منقولہ نیک ہر قطعہ سی ایچون خانہ مخصوص قریق ایدلیکی تقدیرده ہر برینہ قاج کشی طالب ظهور ایتدیکی ویلری قاجر غروش اولدینی آرو آرو کورینہ جیکی کبی آرو کاغدلردن فرقی اولمہرق ہر برینک قرار داده واحالہ قطعہ معاملہ لری دخی بشقہ بشقہ اجرا ایدیلہ بیلوب اکثر مزایده یہ قونیلہ جق اموال سکز پارچہ دن زیادہ اولور ایسہ ینہ اوکاغده خانہ لک اونسبتده آرتدیرلمسی ویاخود بشقہ بر کاغدک علاوه سی ممکن و مزاد قائمہ لرینک تنظیم واملاسی اساساً اجرا مأمور لرینک جملہ وظا -

تفہدن ایکن بونلرک بانقہ جہ تنظیم واملا ایدلک ایستلمسی مأمورین مومی الیہمک بو بایده کی ایشلرینک تخفیفی ایلہ معاملانک تسریعی مقصدینہ مبتنی اولدینی بیانیلہ بعدما صورت مخصوصہ ده تنظیم و تسیر اولئان مزایده قائمہ لری وجہلہ معاملہ اولئسی مصلحتاً موافق و تسہیلاتی موجب اولہ جنی حقندہ تجارت و ناقہ نظارت جلیلہ سنندن وارد اولان تذکرہ اوزرینہ لدی الحوالہ انجمن عدلیہ دن یازیلان درکنسارده صور مشروحہ نیک یالکوز بر مدیونک املاک متعدده سی حقندہ قابل الاجرا اولہ بیلہ جکی بیان و افادہ اولئمفین برمدیونہ ٹاند متعدد املاکک حین مزایده سنندہ

قسم غرہ رسمی

مرسین بدایت محکمہ سنندن ۲۶ نیسان سنہ ۳۰۸ تاریخی ودرت عددی ایلہ استینافاً ویریلان اعلامک تمیزینی استدا ایدن طرسوس قصبہ سنک کوچک مفارہ محلہ سنندہ ساکن تجاردن جبرہ ٹیل صایغ یوم معیندہ دائرہ کیوب ہمیز علیہ اطنہ نیک جامع کیر محلہ سنندہ مقیم دعوی وکیلرندن مخائیل لطفاه افندی وکیلی الیاس رسام افندینک ورود ایتمش اولمسیلہ بالکتر وکیل مومی الیہک ایضاحات شفاهیہ سی استماع قلنہرق تدقیقات تمیزیه اجرا سنہ ابستار اولندی .
اعلام مذکورک خلاصہ مالی مومی الیہ لطفاه افندینک مز بور جبرہ ٹیل صایغ ذمتده اجرت وکالت اولہرق ادعا ایدلیکی یوز لیرا



تخصیصی حقندہ طرسوس بدایت محکمہ سنندن استحصال ایتمش اولدینی اعلام حکمنہ مز بور جبرہ ٹیل صایغ طرفندن عدم قناعتلہ مرسین بدایت محکمہ سنہ بالمراجعہ استیناف دعوی اولئمش ایسده دعوت واقعہ اوزرینہ مستأنف مرقومک تعیین اولان کونده محکمہ یہ کیوب دعوی واقعہ ده علاقہ دار اولان جورجی افندی طرفندن مرقومک معذرتنہ دائر اعطا و ابراز اولئان بر قطعہ استدا وعادی راپور مندرجاتی ایسہ معذرتی اثباتہ کافی کوریلہ مامش اولدیفندن اصول محاکمہ حقوقیہ قانوننک یوز قرق ایکنجی و یوز سکسان سکزنجی مادہ لری موجبہ مستأنف مرقومک استیناف استدعاسنک موقتاً سقوطنہ حکمدن واشبو حکم علیہندہ مستدعی تمیز جبرہ ٹیل صایغک لایحہ سنندہ محرر اعتراض -

تک باشلوچہ می عند الاستیناف ابراز اولئان رسمی راپور کندوسنک معذرتی اثباتہ کافی اولدینی حالده محکمہ جہ عدم قبولیلہ برابر یوم آخردہ قرار ویرلمسی مفایر قانون اولدیفندن بخلہ اعلام مذکورک نقضی استدعاسنندن و ہمیز علیہ وکیلی الیاس رسام افندینک نتیجہ جوابی دخی اعتراضات مذکورہ نیک واهی اولدینی بیانیلہ ردی و اعلام مذکورک تصدیقی طلبندن عبارت بولئمشدر .
ایجابی مذاکرہ اولندقدہ اعلام مذکور مآلندن مفہم اولدینی اوزرہ مستأنف بولئان مز بور جبرہ ٹیل صایغ یوم معیندہ محکمہ یہ کلک معذرتی شامل بر قطعہ راپور واستدا نامہ ارسالیلہ معذور اولدیفنی ادعا ایلمش اولسنہ - کورہ محکمہ استینافیہ جہ مستأنف مرقومک بو ادعاسی نظر دقتہ آتہرق معذور اولوب اولمده یغنک تدقیقلہ تبین ایدہ جک حالہ کورہ اولہ بایده برقرار ویرلمسی اقتضا ایدرکن محکمہ مذکورہ جہ بوجہت نظر اعتیایہ آلتقمسزین سقوط استدعایہ قرار ویرلمسی یولسز واصول وقانونہ مفایر ومستدعی تمیزک اعتراضی دخی بوجہتہ متدائر اولہرق موافق نفس الامر بولئمش اولدیفندن اصول محاکمہ حقوقیہ قانوننک ایکی یوز اوتوز ایکنجی مادہ سی موجبہ اعلام مذکورک نقضیلہ قانون مز بورک ایکی یوز قرق دردنجی مادہ سی حکمنہ توفیقاً کیفیتک صورت مشروحہ دائرہ سنندہ یکیدن بالرؤیہ اعلامہ ربطی ضمنندہ محکمہ مرقومہ یہ اعادہ سنہ وزیرده مفرداتی مرقم درت یوز اون درت بچق غروش مصارف تمیزیه نیک

ایلو رده حقسز چقه جق طرفه رجوع ایتک اوزره اول امرده مستدعی تمیز جبره شیل صا - بقدن النسنه ۹ ایلول سنه ۳۰۹ تاریخنده متفقاً قرار ویریلهرک تفهیم قلندی .

معموره العزیز بدایت محکمه سندن ۱۰ تموز سنه ۳۰۸ تاریخی و قرق سکز عددی ایله صادر اولان اعلامک تمیزی استدا ایدن معموره العزیز قصبه سنک شهر فرو محله سنده مقیم سیمون اوغلی سرکس اغا و کیلی ارشاق شامونیان افندی یوم معینده دائره کلوب مدعی علیه قصبه مذکوره نک آلاجه محله سنده مقیم زاعم اوغلی یوسف اغا کلدیکندن یالکز و کیل مومی الیهک ایضاحات شفاهیه سی استماع قلندقدنصکره تدقیقات تمیزیه اجراسنه ابتدار اولندی .

اعلام مذکورک خلاصه مالی من بور یوسف اغا بیک یوز الی غروش قیمتنده بولنان بررأس بارکرینی یومیه درت بیجق غروش اجرته دیار بکره قدر کیتک و پادولیلی مراد نام کسنه دن

بشقه سی بنامک اوزره مرقوم مراد اغانک سایسی مرقوم سرکزه تسلیم ایتش اولدینی حالده اثنای راهده مذکور حیوانه بشقه سی را کب اوله رق اوزری دخی آجیق براغلدیفندن تلفه سبب ویرمش اولسنه بناء مذکور حیوانک قیمتی اولان بیک یوز الی غروشک تخصیصی طلب ودعوی ایتسنه قارشو مرقوم سرکس اغا دخی مذکور حیوانی پادوللی مراد اغا ایچون استکرا ایتیبون انجق پادوللی ملقون واغوب و کراقوص دیار بکر طریقله کردستانه کیتک اوزره استکرا ایلدیکنی مدافعه درمیان ایلمش ایسه ده اولیایده اجرا قلنان محاکمه و تدقیقات نتیجه سنده من بور یوسف اغا مذکور حیوانی صاغ و سالم اولدینی حالده مرقوم سرکزه کیرایه و بردکن صکره عودتنده مذکور حیوانک بی یاره لغش و طمورجق کتوره رک تلف اولمش اولدینی محکمه جه اقامه و استماع اولنان شاهدلرک شهادتیه نابت اولدیفنه بناء مجله نک الی یوز ایکنجی ماده سی حکمنه توفیقاً مذکور حیوانه محکمه جه تقدیر ایدیلان بیک غروش قیمتک مرقوم سرکز اغادن تحصیلیه من بور یوسف اغایه اعطاسنه حکمدن و مستدعی تمیز و کیلنک اشبو اعلام علیهنده باشلوجه اعتراضی منازع فیه حیوانک

تلفه موکلی طرفندن سببیت ویرمش اولسنه بیله بوکبی ضررلرک تضمینی مرسله عائد اولوب رسوله اصلا تعلق بولمیدینی درکار ایکن محکمه جه بوراسنه دقت اولنماسی اصول و قانونه مفایر اولدیفندن بخله اعلامک تقضی استدعاسندن ومدعی علیهک نتیجه جوابی دخی اعتراضات واقعه نک واهی اولدینی بیانیله ردی و موافق اصول و قانون اولان اعلامک تصدیقی طلبندن عبارت بولمشدر .

ایجابی مذاکره اولندقدن اعلام مذکور مندرجاتندن منفهم اولدینی اوزره تلفه سببیت ویریلان مذکور حیوانه محکمه جه تقدیر اولنان قیمتک مرقوم سرکزدن تحصیلیه قرار ویرمش اولوب انجق مذکور حیوانک و قتیله قطع اولنان اجرتی مستأجر طرفندن ویرمش اولسنه واجرت ایله ضمانتک جمع اولنه میه جنی مجله نک بشبوز ایکنجی ماده سی اقتضاسندن بولسنه نظراً اولجه مستأجر طرفندن ویرمش اولان اجرتک مذکور حیوان بدلندن تنزیلی صورتیه حکم اعطاسی لازم کلورکن محکمه جه بوراسنه دقت اولنماسی و خصوصیه مدطابه حیوانک قیمتی بالینه اثبات ایدلسی مقتضی اولدینی حالده محکمه جه بوبایده برکونه شاهد استماع قلنمیه رق

محکمه مرقومه جه تقدیر اولنان قیمتک حکم اولنسی اصول و قانونه مفایر اولدیفنه بناء اصول محاکمه حقوقیه قانون موقتک ایکی یوز قرق برنجی ماده سی حکمنه توفیقاً اعلام مذکورک تقضیه قانون من بورک ایکیوز قرق دردنجی ماده سی موجبجه کیفیتک یکیدن بالرؤیه اعلامه ربطی ضمننده محکمه مذکوره به اعاده سنه وزیرده مفرداتی مرقم درت یوز اون طقوز بیجق غروش مصارف تمیزیه نک ایلروده حقسز چقه جق طرفه رجوع ایتک اوزره اول امرده مستدعی تمیزدن استیفا سنه ۲۹ کانون اول سنه ۳۰۹ تاریخنده متفقاً قرار ویریلهرک تفهیم قلندی .

اسکچه بدایت محکمه سندن تجارت صفقی و ۲۸ کانون ثانی سنه ۳۰۸ تاریخی ویتش الی عددی ایله اعطا قلنان اعلامک تمیزی استدا ایدن اسکچه قصبه سنک ما کلیوس محله سنده ساکن قیوچی اوغلی دیمتری و پاندلاکی قرنداشیلر قومپانیه سی و کیلی سلیم حسنی افندی ایله بمن علیه قصبه مذکوره به تابع فچه لی قریه سنده مقیم زراعدن یوسف اوغلی حاجی سلیمان اغا و کیلی

سیمونیدی افندی يوم معينده دائره به كلكارندن
ايضاحات شفاهيه لري استماع اولندقدن صكره
تدقيقات تميزيه اجراسنه ابتدار قلندي .

اعلام مذكورك خلاصه مالى من بور سايمان
اغانك قيوچي اوغلي قرداشلر قومپانيه سنه بيح
وتسليم ايلديكي بيك درت يوز اون بر قيه توتون
انماندن غير از استيفا بكرمي بيك اوچيوز بتمش
طقوز واقچه فرقدن يوز التمش بش غروشكه
من حيث المجموع بكرمي بيك بشيوز قرق درت
غروش مطلوبنك مذكور قومپانيه دن تحصيلي
حقننده اقامه ايلديكي دعوانك اجراي محاكمه سي
وقوعبولان دعوته اجابت ايتمان مدعي عليهما
ديمتري وپاندلاكي قرداشلرك محافظه حقوق
ايچون تعيين ايديلان وكيل مسخر جانبدن انكار
اولنسي ومدعي حاجي سايمان اغايسه عندالاعتراض
رژي وديون عموميه دائره لري قيودي ومدعي
عليهمانك خط دستلري ايله اثبات مدعا ايد .

چكي كبي يمين دخی تكليف ايدە جكنندن بچله
مبلغ مدعا بهك تحصيلنه غياباً حكم ویرلسنی طلب
واقده ایلمی اوزرینه سبق ایدن مذاکره
نتیجه سنده مدعی علیهمانك عند الاعتراض انكار
مدعا ایلدکاری حقننده مدعینك بسط و بیان

ايلديكي صور ومعاملات مذكوره نك اجراسنه
تعلیقاً مبلغ مدعا بهك كندولرندن تحصيلنه غياباً
حكمدن ومستدعي تميزلرك وكلي سليم حسني
افنديك اشبو حكم عليهنده كي اعتراضاتك
باشلوجه سي بدایه تعیین قننان وكيل مسخرك
انكار مدعا ایتسی اوزرینه مدعینك بحث و بیان
ايلديكي وسائط ثبوتیه نك تدقیقه دعوانك صحتی
ا كلاش بله رق اكا كوره حكم اولنق لازم كلور
ايكن محكمه جه بلاندیق مدعینك قول مجردینه
بناءً موكلرينك محكومیتارینه قرار ویرلسی قانونه
مقابر اولدیفندن بچله اعلامك قضی استدعاسندن
ومیز علیه حاجی سايمان اغا وكلي سیمونیدی
افنديك نتیجه جوابی دخی اعتراض وقوعده
انكار مدعا اولنور ایسه یمن تکلیف اولنجه
محكمه به بیان ایدلش اولمغله مدعی علیهمانك یینه
تعلیقاً محكومیتلری قانونه موافق اوله رق اعتراضات
واقعه نك واهی اولدینی بیاتیله اعلامك تصدیقی
طلبندن عبارتدر .

ایجابی مذاکره اولندقدە اعلام مذکور
مندرجاتندن منقهم اولدینی اوزره من بور حاجی
سايمان اغانك ادعا ایلدیکی بكرمي بيك بشيوز
قرق درت غروشك مدعی علیهما قيوچي اوغلي

قرداشلر قومپانيه سندن تحصيلنه غياباً قرار
ویرلش ایسه ده اصول محاکمه حقوقیه قانوننك
يوز قرق بشنجی وچله نك بيك سكر يوز اوتوز
دردنجی ماده لرنده محرر اولدینی وچله لاجل -
المحاكمه وقوعبولان دعوته اجابت ايتمان طرف
مدعي عليه اولدینی تقدیرده محكمه جه آنك محا -
فظه حقوقی ضمننده تعیین اولنه جق وكيل مسخر
مواجهه سنده مدعینك دعوی وینه سنك استماعیله
مقارن صحت اولدینی تین ایتدیکی تقدیرده
بعد الثبوت حكم ویرلك مقتضى اولوب مدعی
جانبدن بو صورتده اثبات مدعا اولنه مدینی و
طالب اولدینی حالده اول زمان مدعی علیه اولان
غائبك تحلیفه تعلیقاً حكم اولنسی لازم كلور ایكن
بدایت محكمه سنجه مدعی حاجی سايمان اغانك بسط
وبیان ایلدیکی وسائط ثبوتیه نك اعتراض علی الحكم
وقوعنی استماع وتدقیق وعندالافتضا مدعی علیه لرك
تحلیف اولنسنه تعلیقاً برمتوال محرر حكم وقرار
ویرلسی قانونه مقابر ومستدعيلر وکیلنك اعتراضی
دخی بوجهته متدائر اوله رق موافق نفس الامر
کورتمش اولدیفندن اصول محاکمه حقوقیه قانوننك
ایکی یوز اوتوز ایکنجی ماده سی موجبجه اعلام
مذکورك نقضیله قانون مذکورك ایکی یوز قرق
دردنجی ماده سی حکمنه توفیقاً کیفیتك بوجه

مشروح یکیدن بالرؤیه حکم واعلامه ربط ایدلک
اوزره محکمه مرقومیه اعاده سنه و زیرده
مقداتی مرقم درت یوز طقوز بچق غروش
مصارف تمیزیه نك ایلروده حقسنر حقیقه جق طرفه
رجوع ایتک اوزره اول امرده مستدعيلردن
السنه ۱۷ مارت سنه ۳۱۰ تاریخنده متفقاً قرار



پرشته سنجانغی بدایت محكمه سندن ۲۵ تموز
سنه ۳۰۹ تاریخی و بكرمي عددی ايله ویریلان
اعلامك تمیزینی استدعا ایدن پرشته قصبه سنك
علاء الدین محله سنده مقیم مصطفی اغا ايله مدعی
عليهما محله مذکورده ده ساکنه مالکة خاتون
يوم معينده دائره به كلكارندن باش مدعی عمو -
میلک مأموریت علیه سنك مطالعه نامه سی آلدقدن
صكره اصول محاکمه حقوقیه قانوننك ایکی یوز
بكرمي طقوزنجی ماده سی موجبجه تدقیقات
تمیزیه اجراسنه ابتدار اولندی .

اعلام مذکورك خلاصه مالى من بوره مالکة
خاتونه پدري حاجي سايمان متوفاة والده سی

زاده خاتوندن ارتا انتقال ایدن پرشته قصبه سنک
 طوبلجان و یواکه قریه لرنده کائن معلوم الحدود
 والمقدار املاک و ترلا و چایر ایله املاک و علاء -
 الدین محله سننده بر باب خانه و چارشو دروننده
 معلوم الحدود چند باب دکاننده اولان حصه
 شایعه سنه برادری من بور مصطفی اغا فضولاً
 مداخله ایتمکده اولدیغندن بختله حصه ارثیه سنک
 مأموری معرفتیه تفریق و تقسیمنی طلب و دعوی
 و طایو قلمندن استحصال ایلدیکی قید صورتی
 محکمه یه ابراز و اعطا ایش و مدعی علیه مصطفی
 اغا دخی مبرز قید صورتی موجبجه مدعیه
 من بوره نك حصه سی اولدیغنی اقرار ایدوب
 انجق قید خارجنده اولان درت باب دکانک
 کندوسیه یالکز برادری سعیده انتقال ایدوب
 همشیره سی من بوره نك بونلرده حصه سی اولدیغنی
 مدافعه انبا ایلمسی اوزرینه جریان ایدن محاکمات
 و تدقیقات نتیجه سننده منازع فیه اولان درت
 باب دکانک نصف حصه سی بدرلرندن انتقال
 ایلدیکی اکلشلمش اولدیغندن ذکر اولنان درت
 باب دکانک نصف حصه سنک جمله ورثه یه انتقالی
 طبیعی اولدیغنی کبی والده لرندن انتقال ایدن
 مذکور طوبلجان قریه سننده واقع بر باب خانه
 درت سهم اعتباریه ایکی سهمی مومی ایله مصطفی

و مدعی علیها مالکة خاتونک لایحه سننده مندرج
 نتیجه اجوبه سی دخی اعتراضات مسروده نك
 واهی و بی اساس اولدیغنی بیانیه ردی و موافق
 اصول و قانون اولان اعلامک تصدیق طلبندن
 و آتف الیابن مطالعه نامه مالی دخی دعوا ی
 واقعه بین الورثه تقسیم ترکیه متعلق اوله رق شرعاً
 فصل و حسم اولنه جق مواددن اولدیغندن محکمه
 نظامیه جه رؤیتی وظیفه خارجنده اولدیغنی بیانندن
 عبارت بولمشددر .

ایجابی مذاکره اولدوقده اعلام مذکور
 مآلندن اکلشلمدیغنه کوره دعوا ی واقعه مدعیه
 ایله دیگر برادر لرینه پدر و والده لرندن قانوناً
 انتقال ایدن ترلا و چایر کبی اراضی امیریه و پدر
 و والده لرندن ارث شرعی ایله موروث اولان
 املاکه متعلق اولوب اراضی دعوا سنک قانون
 اراضیه توفیقاً نظام محکمه سننده رؤیتی املاک
 موروثیه دأر اولان قسمنک دخی محاکم شرعیه -
 جه اصول مشروعه سنه توفیقاً حل و حسمی لازم
 کلور ایکن بو دائرة قانونیه ده اجرای معامله
 اولتمیوب کافه سنک بردن حقوق محکمه سننده
 رؤیت ایلمسی بولمز و مغایر قانون اولدیغندن
 و میراث جهتنک شرعاً لزوم محاکمه سنه دأر اولان

مطالعه نامه ایله مدعی مصطفی اغانک اعتراضی
 شایان قبول بولندیغنه بناه اصول محاکمه حقوقیه
 قانونک ایکی یوز اوتوز ایکنجی ماده سی موجبجه
 اعلام مذکورک نقضه و قانون مذکورک ایکی یوز
 قرق دردیجی ماده سی حکمنه توفیقاً کیفیتک
 منوال مشروح دائرة سننده یکیدن بالرؤیه اعلامه
 ربطی ضمننده محکمه مذکوریه اعاده سنه و زبرده
 مفرداتی مرقم درت یوز اون طقوز بیق غروش
 مصارف تمیزیه نك ایلروده حقسز چیه جق طرفه
 رجوع ایتک اوزره اول امرده مستدعی
 مصطفی اغادن النسنه ۸ تشرین اول سنه ۳۱۰
 تاریخنده متفقاً قرار ویرلدی .



ایکنجی محکمه تجارتدن ۳۰ تموز سنه ۳۱۰
 تاریخی و ایکی یوز اون بش عددی ایله ویریلان
 ویریلان اعلامک تمیزینی استعدا ایش اولان
 بک اوغلنده فریده زقاغنده مقیم منغالجان کیرقور
 افندی و کیلی مقصود افندی ایله مدعی علیه
 درسمادنده چارشوی کیرده چوقه جی خانی
 دروننده مقیم تجاردن بولجیان جیزه جیان و عربیان
 قومپانیه سی و کیلی ویرامشایوچ مانوقیان افندی نك


یوم معینده دائرہ و رود ایتمش اولماریله ایضاحات
 شفاہیہ لری استماع قلندقدن صکرہ تدقیقات تمیزیہ
 اجراسنه ابتدار اولندی .
 اعلام مذکورک خلاصہ مالی مذکور قومیا .
 نیہ نک ساعت امانندن طولایی کر قور افا ذمتنده
 الاجبی اولان التی یوز یکر می بش فرانق اون
 ساتیمک تحصیلی حقنده ویریلان اعلام غیابینک
 تعدیلاً تصدیقی حاوی استحصال ایتمش اولدینی
 بر قطعہ اعلامک تمیزاً بالتدقیق بدایہ مدعی
 مذکور قومپانیہ وکیلی مذکور ساعتلرک قطعاً
 ساتلدیغی و مدعی علیہ کر قور دخی امانی
 ساتلدیغی ویرلمک اوزره کندوسنه امانتہ تسلیم
 اولدیغی در میان ایتملرینہ نظراً محکمہ جه اول امرده
 بیعی ادعا ایدن و مجله نک بیسک یدی یوز التمش
 اوچنجی و بیسک یدی یوز التمش دردیغی ماده لری
 موجبجه ینہ لری اصح اولان مذکور
 قومپانیہ دن اثبات طلب اولغمی و اثباتدن
 اظهار عجز ایلدیکی صورتده مرجح طرفدن
 ینہ طلب اولنہرق اوده اثبات مدعا ایدہ ماز ایسه
 اصح طرفنک طلبیله مرجح کر قوره یمین
 ویردیلمی مجله نک بیسک یدی یوز التمش
 طقوزنجی ماده سی اقتضاسندن ایکن مدعی علیہ

کر قورک اثبات مدعا ایدہ مامسی اوزرینہ مدعی
 قومپانیہ یه یمین تکلیفنه حق اوله جغنه قرار
 ویرلمسک یولمز لغندنانی نقض واعاده اولغمی
 اوزرینہ محکمہ بدایتجه بر درجه یه قدر طرفینک
 محاکمہ لری بالا اجرا مرقوم کر قور افا اعلام غیابی
 حقنده اولجه اعتراض علی الحکم عرضحالی اعطا
 ایتمش اولدینی حالده اخیراً مزبور کر قور افا
 مدعی حقنده بولنان معترض علیہ وکیلنک دعواسنه
 جواب ویرمکدن امتناع ایدرک اولنان اخطارات
 مکررہ یه عدم امتثال ایله محاکمہ دخی چکلمش
 اولدیغنه بناءً اصول محاکمہ حقوقیہ قانوننک یوز
 الی طقوزنجی و اصول محاکمہ تجارت نظامنامہ .
 سنک سکسان دردیغی ماده لری موجبجه دعوی
 واقعده اساساً معترض اولان کر قور افا طرفندن
 مقدمه ویریلان اعتراض استدعاسنک ردینہ
 حکمندن و مستدعی تمیز کر قور افا وکیلی مقصود
 اقدینک اشبو حکم علیہندہ کی اعتراضاتنک
 باشلوجه سی محکمہ تمیزک قرار ی و مجله نک ترجیح
 بینات حقنده کی موادی احکامنہ توفیقاً دعوی
 واقعہ نک رؤیتی مقتضی ایکن محکمہ جه مذکور
 قومپانیہ نک احداث ایتمش اولدینی بیع بالشرط
 دعواسنک اثباتنه قرار ویرلمش اولوب شو حالده
 موکلنک جواب اعطاسنه مجبوری اولدینی درکار

اولدینی حالده متمررد اولدینی بیانیله اعتراض
 استدعاسنک ردینہ قرار ویرلمی و هیچ اولماز ایسه
 غیاباً اولسون مدعی قومپانیہ نک دعوی و ینہ سنک
 استماع ایدلمامسی مغایر قانون اولدیغندن بختله
 اعلامک نقضی و مدعی علیہ مذکور قومپانیہ وکیلی
 ویرامشابوح اقدینک نتیجه جوانی دخی غیاباً
 محکوم علیہ اولان کر قور اغانک اعتراض الحکم
 اوزرینہ اصول محاکمہ محاکمہ و مجابوہ دن
 امتناع ایتمی جهتله اعتراضات واقعہ نک واهی
 ایدوکی بیانیله ردی و اعلام مذکورک تصدیقی
 استدعاسندن عبارت بولمشدر .

ایجابی مذاکرہ اولندقدہ اعلام مذکور
 مندرجاتندن مفہم اولدیغنه کورہ درجه اولی
 محکمہ سنجہ اساساً معترض اولان کر قور اغانک
 محاکمہ و مجابوہ دن امتناع ایتدیکنندن بختله رد
 استدعاسنہ قرار ویرلمش اولوب حالبوکه
 منازع فیہ اولان ساعتلرک صورت قطعہ ده
 فروخت ایدلیدیکنی معترض علیہ قومپانیہ یه اثبات
 ایتدیلمک صورتیله فصل مدعا اولغمی لازم کلور
 ایکن معترض کر قور اغانک مجابوہ دن امتناع
 ایتدیکنندن بختله اولابا ایدہ اعطا قلنان عرضحالی

ردینہ قرار ویرلمی قانونه مغایر و مستدعی تمیز
 کر قور افا وکیلنک اعتراضی موافق نفس الامر
 اولدیغنه بناءً اصول محاکمہ حقوقیہ قانوننک
 ایکی یوز اوتوز ایکنجی ماده سی موجبجه اعلام
 مذکورک نقضنه و قانون مذکورک ایکی یوز قرق
 دردیغی ماده سی حکمنہ توفیقاً کیفیتک صور محررہ
 دائرہ سندہ بالرؤیہ اعلامہ ربطی ضمنندہ محکمہ
 مذکورہ یه اعاده سنہ و زیرده مفرداتی محرر
 اوچوز یکر می دوت بچق غروش مصارف
 تمیزیہ نک ایلرودہ حقسز چیقہ حق طرفه رجوع
 ایتمک اوزره اول امرده مستدعی تمیز کر قور
 اغاندن اخذ واستیفاسی لزومنه ۱۹ تشرین اول
 سنہ ۳۱۰ تاریخندہ اکثریت ارا ایله قرار ویریلہرک
 تفہیم قلندی .



اعلان

« صوك اعلان »

وچاپرك نصف حصه سی اون بیک بشبوز ضرور شده
طالببری عهده سنده قلمش و تاریخ اعلاندن اعتباراً
اوتوز برر کوندن دون اولماق اوزره بوتلردن
چفتلك حصه سی ایچون کله جک تموز رومینک
یکرمی بشنچی جمعه کونی ساعت اونه وعصره
حصه سی بیچون ماه مذکورک یکرمی اوچنچی
چهارشنبه کونی کذلک ساعت اونه و تیمورچی
دکانی حصه سی بیچون یته ماه مذکورک یکرمی
ایکنچی صالی کونی ساعت اونه و چارشوی
کیرده واقع زنه جی دکانی حصه سی بیچون کذا ماه
مذکورک یکرمی برنجی بازار ایتسی کونی ساعت
اونه قدر یوزده بش ضم قبول اولنسی و ایام و اوقات
معینه مذکورده صوک مزایده لری بالا اجرا قرار
قطعی لری و یریلرک طالببری عهده لرینه کچورلسی
مقرر بولنمش اولدیغندن و اندن صکره هر نه
وقوع بولور ایسه قبول اولنجه جفتندن مذکور
حصه لره یوزده بش ضمیله طالب اولنلرک ودها
زیاده معلومات آلمق استیانلرک مذکور بدللرک
عشرینه مساوی پی اچه سیله برابر ذکر اولنان
مدت لر ظرفنده محکمه تجارت اجرا مأمور یته
مراجعت ایلملری و بروجه محرر املاک مذکور
رونک هر بری ایچون تعیین اولنان صوک مزایده
سی کونلرنده دخی مذکور املاک پیشکاهنده

صراف لارا کینک الیوم بودرم قلعه سنده
محکوماً محبوس بولنان صدرالدین ذمتنده محکوم به
مطلوبی اولان ایکی یوز اوتوزالتی لیرانک مع وائض
و مصارف محاکمه تسویه سی بیچون مدیون مرقومک
شایعاً عهده تصرفنده اولوب بوندن اقدم موقع
مزایده یه چیقاریلان چارشوی کیرده تقیه جیلر
زوقاغنده هه نومرولی زنه جی دکاننک نصف
حصه سی اوچیک ضرور شده و سراجخانه جوارنده
مغنیسالی محمود پاشا محله سنده کیمجیلر زقاغنده
شهریه یوز اون غروش ایچار کتورر کار کیر
برباب تیمورچی دکاننک نصف حصه سی ایکیک
ضرور شده و طوپنخانه ده فیروز اغا محله سنده
قادریلر زوقاغنده ایکی نومرو ایله مرقم اوتوز
التی زراع عتیق برقطعه عرصه نک نصف حصه سی
التی یوز غرور شده و اسکدارده بلغورلی قریه و
جاده سنده واقع اولوب مقدا مع کوشک چفتلك
والیوم علی التخیمین اوتوز بش دونم مقداری ترلا

حاضر بولملری مأموریت مومی الیهادن اعلان
اولنور .

فی ۱۹ حزیران سنه ۳۱۳

قوزمه نک اخلیا اقسانتوپولو ذمتنده محکوم به
اله جنی اولان معلوم المقدار مبالغت تأمین استیفاسی
ذمتنده مدیون مرقومک ارنبود قریه سنده
خانه سنده موجود اشیا سندن بر عدد مرمرلی
قونسول مع آینه ایله بر عدد دولاب و اصمه لامبه
و بر عدد چیچکلک و بوکا مائل اشیا ی ساثره
بک اوغلی بدایت محکمه سی ریاست اولیسی جانبندن
اعطا بیوریلان قراره توفیقاً تحت جزه آلمش
اولقله سالف الذکر اشیا اشبو تموزک التنجی
بازار کونی ساعت اوچ قرار لرنده ارنبود
قریه سنده چارشو ایچننده بالمزایده فروخت
اولنه جنی بک اوغلی اجرا مأموریتی جانبندن
اعلان اولنور .

فی ۲۵ حزیران سنه ۳۱۳

خزیننه خاصه شاهانه نک زردبان قریه لی بورکچی
حسین اغا ذمتنده جهت کفالتدن آله جنی اولان
مبالغت تأمین استیفاسی ذمتنده تحت جزه آلتان
آربه و بغدادی ویولاف و صمانلرندن دینه مساویسی
اشبو تموزک التنجی بازار کونی زردبان قریه سنده
ساعت ایکی راده لرنده بعد المزایده فروخت
اولنه جفتندن طالب اولانلرک محله عزیمتله مأمور
مخصوصنه مراجعت ایلملری اسکدار بدایت
محکمه سی اجرا دائره سندن اعلان اولنور .

فی ۳۰ حزیران سنه ۱۳۱۳

صوباجی طودورا کینک صدر اسبق رشید پاشا
حفیده سی عفتلو فطینه خانم ذمتنده محکوم به اله جنی
اولان معلوم المقدار مبالغت تأمین استیفاسی ذمتنده
چارشوی کیرک قالباچییلر باشی جاده سنده یوز
یدی نومرولی دکان دروننده مستقر حرمین
کدکیله یته محل مذکورده بوز یکرمی یدی
نومرولی دکان دروننده مستقر سلطان محمود خان
کدکنک یکرمی دوت حصه اعتباریله خانم مومی
الیهانک متصرفه اولدینی بر حصه سی بک اوغلی

بدايت محكمه سى رياست اوليسى جانبندن اعطا
بيوريلان قراره تويقاً تحت جزه آلمش اولديغندن
تاريخ اعلاندن اعتباراً اون بش كون صكره بلمازايده
فروخته تشبث اولنه جنى بك اوغلى بدايت
محكمه سى اجرا مأموريتى جانبندن اعلان اولتور.

۳۰ حزينان سنه ۳۱۳

مدت مذكوره ختامندن صكره درسمادت
اعلامات شرعيه اجرا دائره سنه مراجعت
ايلملرى .

فى ۱ تموز سنه ۳۱۳

درسمادت كرسته جيلرده كرسته تجارندن
مخال اوغلى يوان طرفندن ۱۲ حزينان سنه ۳۱۳
تاريخنده اسكدار بدايت محكمه سنه اعطاقنان
صر نحال ايله قاضى كويننده فندقلان زقاغنده
بلانومرو خانه ده مقیم دو قنور روپن افندى ايله
والده سى مانىك قادين عليه نه اقامه ايلديكى
مطلوبات دعواسندن طولايى على الاصول تنظيم
اولنوب كوندريلان جلبنامه لر ظهرينه مومى ايله
روپن افندى ايله والده سى مانىك قادينك برماه
مقدم نقل خانه ايلدكلى ونه طرفه كيندكلىرى
ييلمدكلى قاضى كوى ارمى مختارى طرفندن
شرح و يرلمش ودائره به بالوكاله كلان طناساكي
افندى مدعى عليه لك اقامتسكاهى مجهول بولمسيه
اعلان كيفيت ايدلمسنى طلب ايلمش و طلب واقى

متوفى اسماعيل افندى ورته سنك احمد بك
ذمتنده باعلام شرعى آله جنى اولان مبالغ معلومه نك
تأمين استيفاسى ضمننده مديون مومى اليهك
عهده سننده اولوب محجوز و درسمادت برنجى
حقوق دائره سنندن و يريلان اعلامله فروختى
محكوم بولنان قومقپوده چادر جى احمد چلبى محله -
سنده عرب زاده زقاغنده واقع مكرر اون يدى
نومرو ايله مرقم ايكي باب كار كير منزلك اشبو
تاريخ اعلاندن اعتباراً اون بش كون صكره
فروخته تشبث اولنه جفندن طالب اولانلرك بى
سورمك و بوندن دهها زياده به طالب اولانلرك

اصول محاكمه نك يكرمى التنجى ماده سنه موافق
كورلمش اولديغندن دعواى مذكوره نك رؤيتى
اشبو تموزك يكرمى برنجى بازار ايرتسى كونه
تعلق اولنه رق اولبايده يازبلان دعوتيه ورقه سى
محكمه ديوانخانه سنه تعلق اولنديكى كى بر صورتى
دخى غرتنه ايله اعلاني محكمه جه تنسيب اولنديغندن
يوم مذكوره ساعت التيده مدعى عليه لك بالذات
محكمه ده حاضر بولملىرى و ياسند مصدق له بروكيل
كوندرملرى و عكسى حاله معامله غيايبه اجرا
اولنه جنى اعلان اولتور .

فى ۱۵ صفر سنه ۳۱۵
وفى ۳ تموز سنه ۳۱۳

حكك قادينك روپن افندى ذمتنده محكوم به
آله جنى اولان مبالغ تأمين استيفاسى ضمننده
تحت جزه آلتان اسكدارده سلحدار اغا بفعجه -
سنده صراف زقاغنده طقوز نومرولى متصرف
اولديكى بر باب خانه نك تاريخ اعلاندن اعتباراً
اون بش كون صكره بلمازايده فروخته مبادرت

اولنه جنى اسكدار اجرا دائره سنندن اعلان
اولتور .

فى ۳ تموز سنه ۳۱۳

عساكر شاهانه ملازملرندن اسماعيل اغا
وكيلى نجاتى افنديك قاسم پاشاده درت قيو نام
محلده ساكن ايكن اليوم اقامتسكاهى مجهول بولنان
دولت عليه تبعه سنندن و يقال اصنافندن بدوس
ولد بدوس ذمتنده باسند آله جنى اولان معلوم -
المقدار مبالغك تحصيلى ضمننده بك اوغلى بدايت
محكمه سى ايكنجى حقوق دائره سننده اقامه
ايلديكى دعوانك فصل ورؤيتى اوچوز اون اوچ
سنه سى تموزينك يكرمى درنجى پنجشنبه كونه
قراردلشدير بله رق اولبايده تنظيم قلنان بر قطعه
دعوتيه ورقه سى اصول محاكمه حقوقيه قانونك
يكرمى التنجى ماده سى موجبجه محكمه ديوانخانه -
سنه تعلق ايدلمش اولديغندن مرقومك يوم
مذكوره ساعت التى راده لرنده بالذات محكمه

مذ کوره به کلسی و کلدیکی و یا خود سند صدقه بروکیل
دخی کوندردیکی حالده حقنده معامله قانونیه نک
اجرا قلنه جنی معلوم اولق اوزره اعلان کیفیته
ابتدار اولنور .

فی ۲۰ صفر سنه ۳۱۵

وفی ۸ تموز سنه ۳۱۳

طلب و افاده ایلمش اولغله دعوی مذ کوره نک
اوچیوز اون اوچ سنه سی تموزینک اوتوزنجی
چهارشنبه کونی ساعت بشده محکمه مذ کوره ده
فصل ورؤیت اولنه جفندن یوم ووقت مذ کورده
مرقوم بورکی اوغلی دیمتری بالذات حاضر بولغسی
ویا خود مصدق سندله بروکیل کوندردسی لازم
کله جکی و شاید کلز و وکیل کوندردمن ایسه
حقنده معامله غیاییه اجرا اولنه جنی معلوم اولق
اوزره تنظیم اولنان دعوتیه ورقه سی محکمه نک
دیوانخانه سنه تعلیق اولندینی کبی اوراق حوادث
واسطه سیله دخی اعلان قلندی .

فی ۳۰ صفر سنه ۳۱۵

وفی ۸ تموز سنه ۳۱۳

حصر اسکله سنده صراف صاری اوغلی
پاولینک لیمون اسکله سنده ساکن لیمونجی بورکی
اوغلی دیمتری علیه درسمادت ایکنجی تجارت
محکمه سنده اقامه ایلدیکی افلاس دعواسنک فصل
ورؤیتی ضمننده تنظیم اولنان دعوتیه ورقه سی
مباشری واسطه سیله مرقومه برای تبلیغ ارسال
قلنمش ایسه ده محل مذ کورده مرقومک دکانی
اولدینی کبی اقامتگاهی دخی مجهول بولندینی
لیمونجی اصنافی کتخدانی طرفندن ورقه مذ کوره
زیرینه یازیلان شرحدن اکلاشامش و مدعی
مرقوم ایسه ورقه مذ کوره نک اعلاناً تبلیغی

(مطبعة عامره ده طبع اولمشدر)